

玉

海

八十五

玉海卷第一百七十二

浚儀王應麟伯厚甫

宮室

橋梁

天官書東井兩河天闕閒爲關梁

堯橋梁

漢文紀二年五月詔誹謗之木注服虔曰堯作之橋梁交午柱頭

周造舟

詩大明親迎于渭造舟爲梁

爾雅天子造舟鄭氏曰天子造

舟周制也殷時未有等制孔子曰文王始作而用之

方言浮梁也初學記秦鍼造舟于河漢章帝

建初七年十月東至高陵造舟於涇而還

周鉅橋

管子武王有鉅橋之粟貴糴之數立重泉之戍令曰

自今有百穀之粟者不行注鉅橋倉在今廣平郡曲

周縣淮古子周發鉅橋之粟許慎云鉅鹿之大橋

爾雅梁莫大於渙梁注橋也張良傳下邳圯上注

圯橋也

漢橫橋

黃圖橫橋

橫音光

三輔舊事云秦造漢承秦制廣六丈

三百八十步置都水令以掌之號爲石柱橋

黃圖又云長安

城下有池周廣三丈深二丈石橋各六丈與街等

文選注潘岳關中記曰

秦作渭水橫橋雍州圖曰在長安北二里橫門外

漢霸橋

黃圖霸橋在長安東跨水作橋漢人送客此橋折柳

贈別

初學記云以石爲梁

水經注霸水古曰滋水秦穆公更

名以顯霸功水上有橋謂之霸橋

王莽傳更名霸

橋爲長存橋

漢渭橋

便門橋

文紀代王乃進至渭橋羣臣拜謁稱臣宋昌至渭橋丞相以下皆

迎注蘇林曰在長安北三里宣紀甘露三年春正

月呼韓邪單于來朝上自甘泉宿池陽宮上登長平

阪涇水之南原詔單于毋謁其左右當戶之羣皆列觀蠻

夷君長王侯迎者數萬人夾道陳上登渭橋咸稱萬

歲匈奴傳上登長平詔單于毋謁其左右當戶之羣

橋臣皆得列觀反諸蠻夷君長王侯數萬咸迎於渭

渭橋咸稱萬歲張釋之傳上行出中渭橋乘輿

馬驚文帝時史記景帝五年三月作陽陵渭橋黃

圖渭橋秦始皇造跨渭水為橋初學記云以木為梁

橋又云秦造渭橋及橫

後紀建武十九年修理東都城門橋涇渭

武紀建元三年春初作便門橋注長安北面西頭門

即平門也

作橋跨度渭水以趨茂陵今所謂便橋也

以經便爲

義

薛廣德傳元帝耐祭宗廟出便門

注長安城南面西第一門

欲御樓船廣德曰宜從橋元和志便門在長安西

門與橋對

詳見唐中渭橋段

唐書太宗與頡利盟于渭水

便橋上

水經注渭水上有梁謂之渭橋秦制也亦曰便門橋

秦皇作離宮於渭水南北三輔黃圖曰渭水貫都以

象天漢橫橋南度以法牽牛橋廣六丈南北二百八

十步六十八間七百五十柱北馮翊立之有一百十

二梁橋之南北有隄激立石柱柱南京兆立之柱北
馮翊立之有令丞各領徒一千五百人橋之北首壘
石水中魏武帝更修之 史記索隱今渭橋有三所
一所在城西北咸陽路曰西渭橋一所在東北高陵
路曰東渭橋其中渭橋在故城之北 秦漢唐

架渭者三橋中渭橋在長樂宮北秦造便橋長安西
武帝造東渭橋在萬年縣東不知始於何世渭之源
出自鳥鼠同穴東受秦水至武功受斜水又東受豐
水東北則漢便門橋橫亙其上又東爲鄠水又東逕
靈石曰河房西門也

漢飲馬橋

黃圖飲馬橋在宣平城門外 文選注長安圖曰漢時七里渠有飲馬橋

漢成都浮橋

吳漢傳建武十二年春漢進軍攻廣都拔之遣輕騎燒成都市橋即七星之一橋也華陽國志李冰造

在七星橋上應七星光武謂吳漢曰安軍宜漢進逼成都去城十餘里阻江北爲營作浮

橋在七星橋間岑彭傳公孫述橫江水起浮橋彭令軍中募攻

浮橋先登者上賞飛炬焚之 東觀記田戎下江關

至南郡據浮橋於江水吳漢鋸絕橫橋大破之 水

經注建武十一年公孫述遣任滿等據嶮爲浮橋橫江以絕水路光武遣吳漢岑彭將六萬人擊荆門漢等率舟師攻之直衝浮橋因風縱火遂斬滿等

魏夏侯尚圍南郡作浮橋渡百里洲上吳潘璋伐葦作筏欲順流燒橋伺水長當下尙引退 梁王瓚據

楊村夾河築壘造浮梁晉李存進亦造浮梁於德勝或曰浮梁須竹竿鐵牛石困我皆無之何以能成存進以葦竿維巨艦繫於土山巨木踰月而成人服其智

漢河橋

西羌傳永元五年護羌校尉貫友攻迷唐於大小榆

谷夾逢留大河築城塢作大航造河橋欲以度兵迷

唐遠徙依賜支河曲

永元元年春鄧訓發湟中六千人縫革舡置簞上度河掩擊迷

唐大破之

司馬相如傳橋孫水

梁孫原

以通邛笮

趙充國傳奏

治湟陁中道橋令可至鮮水以制西域

漢石橋

水涇注穀水又東出屋南逕建春門石橋下卽上東

門也橋首建兩石柱橋之石柱銘云陽嘉四年乙酉

壬申詔書以成下漕渠東通河濟南引江淮方貢委

輸所由而至使中謁者魏郡清淵馬憲監作石橋梁
柱敕工匠盡要妙之巧三月起作八月畢成其水依
柱文自樂里道屈而東出陽渠 朱超石與兄書云
橋去洛陽宮六七里悉用大石下員以通水可受大
舫過題其上云太康三年十一月初就功日用七萬
五千人至四月未止

齊地記秦始皇作石橋欲度海觀日出

東海有石橋始皇造

唐文粹趙郡浚河石橋隋匠李春之跡也製造奇特
張嘉正柳渙張彧爲銘

蜀漢武功竹橋

水經注諸葛亮表云臣遣虎步監孟琰據武功水東
司馬懿因水長攻琰營臣作竹橋越水射之橋成馳
去

魏洛水浮橋

蔣濟傳注濟隨司馬宣王屯洛水浮橋 文選注河
南郡縣境界簿曰城南五里洛水浮橋 魏略洛陽
城東西橋洛水浮橋 初學記洛陽魏晉以前跨洛
有浮橋 潘岳賦浮橋黜以經度 成公綏洛禊賦
飛橋浮濟造舟爲梁

魏志曹公西征馬超多設疑兵潛以舟載兵入渭爲

浮橋夜分兵結營於渭南

晉富平河橋

武紀泰始十年九月立河橋于富平津十一月立城東七里澗石橋杜預傳預以孟津渡險有覆沒之患請建河橋於富平津議者謂殷周所都厯聖賢而不作者必不可立故也預曰造舟爲梁則河橋之謂也及橋成武帝從百寮臨會舉觴屬預曰非君此橋不立也對曰非陛下之明臣亦不得施其微巧初學記洛北富平津跨河有浮橋卽杜預所建又云洛陽魏晉以前跨洛有浮橋通典河南府河陽縣古孟津後亦曰富

平津浮橋卽晉杜元凱所造元和志河陽浮橋架

黃河爲之以船爲腳竹簰互之晉陽秋云杜元凱造

河橋於富平津卽此是也

孟津亦謂富平津

春秋後傳赧王五十八年秦始皇作浮橋于河史記

秦昭襄王五十年十二月初作河橋

晉朱雀橋

紀明帝太寧二年六月丁卯以應詹爲護軍將軍假

節督朱雀橋南諸軍事

吳時南津橋也又名朱雀橋

成帝咸康

二年十月新作朱雀浮桁孝武寧康元年三月癸

丑詔除丹楊竹格等四桁稅初學記吳有朱雀橋

東晉有朱雀大航 四航丹楊竹格朱雀驃騎朱雀
本吳時大航咸康二年新立朱雀航對朱雀門南渡
淮水亦名朱雀橋

後魏渭橋

崔亮傳亮除雍州刺史城北渭水淺不通船亮曰杜
預造河梁況此有異長河且魏晉亦有橋昔秦居咸
陽橫橋度渭以像閣道此卽以柱爲橋會大雨水至
浮出長木橋成至今名崔公橋

唐舟梁 陝津浮梁

六典水部凡天下造舟之梁四河三洛一河則蒲津

大陽盟津

一洛陽

洛則孝義也石柱之梁四洛三灞一

洛則天津永濟中橋灞則灞橋也大柱之梁三皆渭川也便橋中渭橋東渭橋此舉京都之衝要也巨梁十有一皆國工修之其餘則所管州縣隨時營葺

百官志諸津令掌舟梁灞橋永濟橋以勳散官一人

涖之天津橋中橋以衛士拚掃便橋渭橋萬年三橋

有丞

貞觀中廢

河渠令供祠祀則自便橋至東渭橋禁民

漁

地理志陝州陝縣有大陽關一曰陝津

卽茅津

正

觀十一年造浮梁

通典大陽橋貞觀中邱行恭造

舊紀開元二十年四月癸巳改造天津橋

會要云四月二

十一日改造天津橋毀皇津橋合爲一橋天寶元年二月廣東都天津橋中橋石腳兩眼以便水勢初學記秦公子鍼奔晉造舟于河在蒲坂夏陽津今蒲津浮橋 張說有蒲津橋贊 太宗有浮橋詩 皮日休河橋賦其形若劍倚天外龍橫水心其高若大虹貫天其壯若巨鼇壓海 不楫而濟 役鵲踴鯨與波上下

唐永濟橋

元和志河南府永濟橋在壽安縣西十七里大業三年置架洛水隋亂毀廢貞觀八年修造舟爲梁長四十丈三尺廣二丈六尺